

儒林目錄

唐

聶道茂

宋

孫冕

孔延之

孔文仲

孔武仲

孔平仲

謝舉廉

謝懋

謝岐

謝世克附

孔括

孔源

孔

淑

孔

滋附

楊扶

明

曾魯

金

固

吳節性

張敬

廖兼善



周 謨 原編文苑

張 佩 吳 達

朱 泗 周安叔 聶素貴 周一松 陳守約

曾舜隣

正傳二十四名

附傳六名

共三十名

儒林

唐



聶道茂晉丹陽大守友之九世孫自友祖漢潁川大守
良仕隱居新淦玉笥山十一傳至友卒葬清江道茂官
唐尚書令距友墓五里許剏五經樓分授諸子今其地
名尚稱經樓云 李長卿文集

宋

孫冕字伯純雍熙二年進士天禧中尚書禮部郎中直
史館晚守蘇州與玉欽若友善欽若為相不為薦引及

出鎮餘杭艤舟吳門佯醉謂冕曰兄久淹州守徐當別
 圖冕正色拒之為郡多惠政盤門運河上有白頭橋唐
 牧白公建冕重修之人呼孫老橋龍圖閣學士梅摯有
 詩云白頭橋奈白頭何舊德如存故老歌不特與梁起
 遺愛大抵才美服人多性恬達如樂天已及引年大書
 一詩於廳事云莫待朝廷差致仕早謀泉石養閒身遂
 拂衣而歸子琛舉進士為比部郎父子相繼主白鹿洞

教 新編

孔延之字長源新淦人孔子四十六世孫慶歷進士九

遷至司封郎中平生與周敦頤友善在廣西寬恤民力
 舊賦糴於民歲至六百萬石租督與租稅等延之計歲
 糴二十萬而足欽廉雷三州蠲戶為富人所役延之奪
 使自為業者六百家皆著定令改荆湖北路提點刑獄
 罷鼎州六寨戍兵千餘人諸子並以文章顯世號臨江

三孔 舊志

孔文仲字經父

淦志舊編文仲新淦人宋史列傳新喻人金幼孜文靖集文仲祖孔績新淦人

文仲之後孔源新淦人

性狷直寡言笑少刻苦問學號博洽舉進

士南省考官呂夏卿稱其詞賦贍麗策論深博文勢似

荀卿揚雄自主司擢第一調餘杭尉恬介自守不事請
謁轉運使在杭召與議事事已馳歸不詣府人問之曰
吾於府無事也再轉台州推官熙寧初翰林學士范鎮
以制舉薦對策九千餘言力論王安石所建理財訓兵
之法爲非是宋 第爲異等安石怒啟神宗御批罷
歸故官齋惓孫固封還御批韓維陳薦孫永皆力言文
仲不當黜五上章不聽范鎮又言文仲草茅疎遠不識
忌諱且以直言求之而又罪之恐爲聖明之累亦不聽
蘇頌歎曰方今朝廷求賢如飢渴有如此人而不見錄

豈其論大高而難合耶言大激而取怨耶吳克爲相欲
置之館閣又有忌之者僅得國子直講學者方用王氏
經義進取文仲不習其書換爲三班主簿出通判保德
軍時征西夏衆數十萬皆道境上久不解邊人厭苦文
仲陳三不便曰大兵未出而丁夫預集河東顧夫勞民
而損費諸路出兵首尾不相應虞夏商周之盛未嘗無
外侮然懷柔制禦之要不在彼而在此也元祐初哲宗
召爲祕書省校書郎進禮部員外郎有言皇族唯揚荆
二王得稱皇叔餘宜各系其祖若唐人稱諸王孫之比

文仲曰上新卽位宜廣敦睦之義不應踈間骨肉議遂寢遷起居舍人擢左諫議大夫日食七月朔上疏條五事曰邪說亂正道小人乘君子違服侮中國斜封奪公論人臣輕國命宜察此以消厭兆祥論青苗免役首困天下保甲保馬茶鹽之法爲遺弊畱蠹改中書舍人三年同知貢舉文仲先有寒疾及是晝夜不廢職同院以其形瘵勸之先出或居別寢謝曰居官則任其責敢以疾自便乎於是疾益甚還家而卒年五十一士大夫哭之皆失聲蘇軾拊其柩曰世方嘉軟熟而惡崢嶸求勁

直如經父者今無有矣詔厚恤其家命弟平仲爲江東轉運判官視其葬初文仲與弟武仲平仲以文聲起江西時號三孔後追貶梅州別駕元符末復其官有文集

五十卷

宋史列傳

孔武仲字常父幼力學舉進士中甲科調穀城主簿選教授齊州爲國子直講喪二親毀瘠特甚右肱爲不舉元祐初歷祕書省正字校書集賢校理著作郎國子司業嘗論科舉之弊詆王氏學請復詩賦取士又欲罷大義而益以諸經策御試仍用三題進起居郎兼侍講邇

英殿除起居舍人數月拜中書舍人直學士院初罷侍
從轉對專責以論思武仲言苟不持之以法則言與不
言將各從其意願輪二人次對時議祠北郊久不決武
仲建用純陰之月親祠如神州地祇擢給事中遷禮部
侍郎以寶文閣待制知洪州請從臣爲州者杖以下公
坐止劾官屬俟獄成聽大理約法庶幾刑不逮貴近又
全朝廷體貌之意遂著爲令徙宣州坐元祐黨奪職居
池州卒年五十七元符末追復之所著詩書論語金華
講義內外制雜文共百餘卷

宋史列傳

孔平仲字義甫登進士第又應制科用呂公著薦爲祕
書丞集賢校理文仰卒歸葬南康詔以平仲爲江東轉
運判官護葬事提點江瀾鑄錢京西刑獄紹聖中言者
詆其元祐時附會當路譏毀先烈削校理知衡州提舉
董必劾其不推行常平法陷失官米之直六十萬置獄
潭州平仲疏言米貯倉五年半陳不堪食若非乘民闕
食隨宜泄之將成棄物矣倘以爲非臣不敢逃罪乃徙
韶州又坐前上書之故責惠州別駕安置英州徽宗立
復朝散大夫召爲戶部金部郎中出提舉永興路刑獄

帥廊延環慶黨論再起罷主管兗州景靈宮卒平仲長
史學工文詞著續世說釋解裨詩戲諸書傳於世以上
俱宋史列傳

謝舉廉字民師

舊志新淦人郡省志作新喻人劉夆序
載謝世克言日占數臨江之新淦於茲

為十世則四
謝實產新淦

元豐八年進士令南康初官吉州司法叅

軍少與從父懋岐世克共學後同登元豐八年第時稱

四謝

舊志誤以世克為舉廉之姪而諸選
舉志俱未見謝懋各減四謝為三

懋宜春簿岐

江夏令世克奉新尉舉廉博學工辭遠近從之者嘗數

百人於其家置講席每日登座講書一通既畢諸生各

以疑來問民師隨答未嘗少倦日辦時果兩盤講罷諸

生啜茶食果而退蘇軾自嶺南歸民師袖書及舊作遮

謁軾日子之文如上等紫磨金畱語終日民師著述極

富其族摘軾語各日上金集從孫磐字安國累舉廷對

高宗作損齋磬言未能損者八有司以言訐直置第二

時稱八損狀元

劉夆詩序

南宋

孔括字端中新淦人父叔三人曰源曰淑曰滋相繼登

第鄉里亦號三孔括乃淑之子嘗令淳安廉介市號美

醞曰淳安清時以此況之名聞行在所高宗題殿柱曰
吏師孔括歲滿百姓畱之上諭宰相曰可轉一官令再
任終濠州守

舊志

楊扶字圖南性方介不苟合判袁州以爭訟事忤郡遂
拂衣去官不復起自號竹溪居士時忠簡公銓大丞相
省齋周文忠公皆與之游築臺曰秀野忠簡爲之記

舊志

明

曾魯字得之新淦人年七歲能暗誦五經一字不遺稍
長博通古今凡數千年國體人才制度沿革無不能言

者以文學聞於時元至正中魯帥里中豪集少壯保鄉
曲數具牛酒爲開陳順逆衆皆遵約束無敢爲非義者
人號其里曰君子鄉洪武初修元史召魯爲總裁官史
成賜金帛以魯居首乞還山會編類禮書復畱之時議
禮者蠶起魯衆中揚言曰某禮宜據某說則是從某說
則非有辨詰者必歷舉傳記以告尋授禮部主事開平
王常遇春薨高麗遣使來祭魯索其文視之外襲金龍
黃帕文不署洪武年號魯讓曰龍帕誤耳納貢稱藩而
不奉正朔於義何居使者謝過卽令易去安南陳叔明

纂立懼討遣使入貢以覘朝廷意主客曹已受其表魯
取副封視之白尙書詰使者曰前王日燈今何驟更名
使者不敢諱具言其實帝曰烏夷乃狡獪如此耶卻其
貢由是器重魯五年二月帝問丞相魯何官對曰主事
耳卽日起六階拜中順大夫禮部侍郎魯以順字犯其
父諱辭就朝請下階吏部持典制不之許成將捕獲倭
人帝命歸之儒臣草詔上閱魯藁大悅曰頃陶凱文已
起人意魯復如此文運其昌乎未幾命主京畿鄉試甘
露降鍾山羣臣以詩賦獻帝獨褒魯是年十二月引疾
歸道卒淳安徐尊生嘗曰南京有博學士二人以筆爲
舌者宋景濂以舌爲筆者曾得之也魯屬文不留藁其
徒間有所輯錄亦未成書云

明史

吳節性洪武鄉貢士歷官國子助教上知其端謹賜白

金嘉之

舊志

張敬字子儀洪武鄉貢士莆田縣儒學教諭深心古學
名重一時臨江有八彥敬與焉國子祭酒吳溥雅重之
遣子與弼遊其門累官南京國子博士卒贈南京刑部
員外郎所著有五經膚見四書訓註等書子魁官御史

勉進士員外郎孫省志敦廣西副使魁敦各有傳舊志

金固字守正新淦人四歲母授五言詩能誦之既長遂

通經史百家之言與同郡梁寅劉永之輩爲友郡太守

知其賢聘爲學訓導講明道德性命之旨士子翕然歸

之稱雪崖先生子幼孜官大學士別有傳舊志

廖兼善新淦人入大學治經有志於道練子寧以書勉

之言經所以載道士欲明聖賢之道必急於治經經既

治則天下之理有不足明而天下之事有不足識者矣

後之治經者則不然言理者或不足於事爲施政者或

不本於道德甚而附會穿鑿取先儒之精粕而筆簧之

以求合有司之尺度幸有得焉則號於人曰我知聖賢

之道正心誠意之實漠然不與於其身心嗚呼淳厚之

俗替而浮薄之習勝無乃弊陋之相承而魁偉有志之

士偶未之思歟何其習俗之難易也兼善治經而志於

道於其別書以問之玉屑集

周謨字守謨新淦清沂人先世魯沂人趙宋初有罷官

居縣西沂水者因占籍新淦天順丁丑赴春官試薛文

清得其卷中正仁義而主靜一置第十二觀政工部都

水司改南京刑部山西司部郎中難決之獄悉委之三載考滿遷員外郎陞福建按察司僉事歲歉之後汀漳窮民逃移還戍武奪於道謨所設施威惠兼著丁父憂服闋改湖廣時荆襄唐鄧之墟遭難延及川陝協贊經理地方安堵擢陝西按察司副使西陲多事王師歷境諸蕃遠竄師老財竭謨乃徑抵賊墟携問其黨踰旬得其首惡誅之而還期年百廢具興以母老乞歸中外民夷攀轅塞道家人檢其橐無十金蓄取道荆南襄藩遣人逆諸境上書歲寒高節贈之侍母養甚慊題其室曰

百歲願添慈母壽三公不換此江山杜門卻掃不與世接宏治之末朝廷追錄舊臣進亞中大夫再進嘉議大夫歿邑人請諸當道祀於鄉賢廬陵周時可聞謨說夫子與點及中庸鳶飛魚躍之旨洞然開悟形諸篇章謨於經史博洽究其精微多得之天賦一時士大夫得其指授德之不忘何大司寇集禮書多採其說讀易每教人尋諸有畫有文之前拔蔡虛齋於稠人之中而多方造就尤爲儒林所稱述云

新編

張佩字儒佩號南齋少負時名縣令慕之欲賓延西席

不苟就由鄉舉授崇陽令更蒲圻治行卓然祀名宦升南工部主事權蕪湖不圖羨以取與民商咸便與乖厓並稱著有南齊政紀

舊志

吳達字近光號雲泉新淦清沂人父昌領鄉薦官湖廣穀城知縣達有才辨意常烈烈方七歲自塾歸爲盜所掠負之去閉一樓中夜緣屋脊以出匿樊圃深箐邏者弗得比曉乃歸嘉靖己丑成進士授兵部武選司主事進承德郎請便養親改南京兵部職方司轉車駕司員外郎進郎中以才堪治劇出爲福建興化府知府善任

事事可疑弗顧可爲弗阻人莫敢撓其鋒所至有聲擢四川按察司副使撫治重夔兼達州兵備以母老棄官歸達初至武選閤人恣爲奸利察其誤公執詢弗貸闕屈誓不敢有他魏國公擅役營卒疏其不法事詔奪職魏國公怒曰我拚一鍊券殺吳達如拉鼠耳達不爲動衆爲語曰吳郎中難撼吏部將超資用之爲忌者所尼補興化以二僮之官聽決如流各中情事訟爲衰少休暇卽走學宮爲諸生講經義建堤瀦水連獲豐穰海寇數至多爲疑兵以却走之立義塚收棄骸去郡之日民

皆號泣在達州罷有司供張貪吏歛跡家居十二年當道論薦不起達在人多畏之死之日識與不識皆爲出涕達學問淵博旁通醫卜識緯及國家典章與羅洪先講學往來最厚達死羅甚悲之蓋自傷其無侶也所著有雲泉集

羅文恭集

朱泗字魯卿淦西灘頭人嗜理學爲永新顏山農人羅文恭高弟十困場屋應嘉靖戊午科貢舉宗伯李公稱爲公輔器尋卒於京著有三書附註史說獨言行世萬歷丙午公舉鄉賢督學蔡批以貢士而舉鄉賢公道出

於人心會遷秩去弗果行子家懋萬歷辛卯授戈陽訓刻三事五規條約及文廟位次給諸生遷婺源諭適文公羣書散佚捐俸較刻構樓於公里貯之陞松江通判畫儲務十三事歸林二十載不談時事郡縣請光賓筵諮地方事宜著有四書詩經補意讀史日抄等書

舊志

周安叔字于盤以明經司訓台州轉蘇州府教授丰裁峻整教士分經義時務二科人以比胡安定時冢宰陸汴給諫王亮御史黃鍾徐申皆所獎拔尋陞銅仁司李時值饑荒土司煽亂至卽撫安之孫一松辛未進士以

文名擬補學憲竝祀鄉賢

府志

聶素貴字原守邑北大觀橋人少贅姊家李氏遂從其姓穎異英敏孝友性成髫年爲郡庠生不規規舉子業讀陳白沙先生集至爲學須從靜中養去端倪方有商量處歎曰入道之方其在是乎往師吉之羅文恭先生大器其才學示以主敬爲入門益知嚮往遂深理學以明經受大倉司訓勸實踐而戒浮侈士心悅服陞六合論攝邑篆清介多善政尤加意課文身自爲迪士受漸磨多以名顯歸乃復姓聶云其子尙恆中萬歷壬午舉

人 舊志

周一松字儀袁號履素銅仁司理周安叔冢孫也舉天啟丁卯鄉試出倪文正公門下中辛未科進士以道義名節自重恥受簿書鞅掌改任嘉興教授以祖安叔之教蘇湖者教嘉興立課文講學二法癸酉大比黎博庵適督學兩浙委令大收錄選遺珠首拔寧波俞穎陽時卽發解人竟稱其藻鑑尋擢國監博士造士亦如嘉興立東南大社選刻課藝毋論六館之士多所成就卽順天諸學教拔李耿延爲子師旋亦聯捷知人得士播頌

於都畿擬膺華選卒京邸疾革翁子不釋卷口不絕吟
貧不能殮同鄉諸大神贈之歸葬博庵爲之傳康熙五
年提學王採公論批與祖安叔並祀鄉賢

舊志

陳守約號會吾性孝友力學食貧將就試童子母憚費
無所出命鬻已棺以佐不給約日不及厚櫬榮親敢市
此易榮名乎竟辭止妙齡應穎過人遊膠序旋拔第一
補廩屢試數奇以明經選金華府訓導時同邑進士一
松周公任華論同寅協恭一時人文咸入二人

鑒選陞

石城論三載陞袁州教授訓士有式化雨春風人爭就

淑焉

舊志

曾舜隣新淦人應貢入京朝經幕史手不釋書辛勤三
十年臬比講論詞源滾滾論古今成敗之迹如在目前
惜豪俊不遇有劉蕢下第之悲

東臬集

讚曰偉哉東臬虛齋親炙英才善教時雨滋化誕鍾三
孔厥配四謝曰若稽古黃農虞夏

文苑目錄

唐

陳岳

陳藩附

楊彥伯

五代

鄧祐 鄧佶

宋

曾乾度 何正臣

何昌言附

俞處俊 鄒惇禮

郭應龍 蕭建功 曾季輔

元

楊晉孫 楊東叟附 龔翊 龔衢附 張秉中

練德興附 黃甲 姜彥思

明 張德輝附 周所立 袁復 鄒幼亨

練禧 鄒子寧 鄒可月附 谷宏 周霖 黃桀

張美和 宋義 宋溥附 郭球 干城

朱昌 吳嘉靜 陳孟浩 鄒誨 潘邃

張希 皮元 廖俊 劉成穆 黎雲

熊勝 饒天惠 饒鳳詔 饒質善

國朝

李作相 吳之淮

正傳四十三名

附傳九名

共五十二名

文苑

唐

陳岳累官南昌觀察判官著唐書統紀一百卷子璿仕

吳爲翰林學士撰吳錄二十卷舊志

楊彥伯字鼎臣大順間擢童子科昭宗親試之彥伯應

對詳雅上曰劉晏之流也賜以詩後爲安福令州以異

狀聞賜緋魚歷官門下侍郎林志

五代省志作南唐

鄧佑鄧佶佑擢南唐童子科佶登三禮科鄉人易其鄉

日揚名里日雙秀

林志

曾乾度字順承文照子淳化進士兩任推官三典州縣

未艾乞祠起知筠州謝事歸

白志

宋

何正臣字君表臨江新淦人九歲舉童子賜出身復中進士第元豐中用蔡確薦爲御史裏行遂與李定舒亶論蘇軾得五品服領三班院會正御史專六察正臣言幸得備言路以激濁揚清爲職不宜兼治他曹神宗善之悉爲罷御史兼局而正臣解三班加直集賢院擢侍

御史知雜事韓存寶討瀘夷無功命治其獄被以逗撓罪誅之還除寶文閣待制知審官東院尙書省爲吏部侍郎踰年嫚於奉職銓擬多牴牾事聞以法制未善爲解王安禮曰法未善有司所當請豈得歸罪於法乃出知潭州時詔州縣聽民以家貲易鹽吏或推行失指正臣條上其害謂無益於民亦不足以佐國用遂寢之民以爲便後歷刑部侍郎知宣州卒從子昌言紹聖四年進士及第官尙書工部侍郎詳徐俯傳

宋史

俞處俊字師郝建炎龍飛乙科居母喪未及仕而卒善

詩載合璧事類世傳其叫月子規喉舌冷宿花蝴蝶夢
魂香亦載獨醒雜志所著有老圃集 獨醒雜志

南宋

鄒惇禮字和仲新淦人紹興二年中湖南北第一授宜

春法曹開軒種竹以自娛題竹云疎直拙依附清高無

匹儔善書得顏柳法人皆寶之有北窻集 通志

郭應祥字承禧淳熙中進士倅長沙有宦聲終於倅次

著述甚富別號遯齋 舊志

郭應龍字承雲淳熙進士令南豐終湖南安撫司參議

詩詞高古有書史素臣一部集句三百餘首應龍兄弟

家居授徒登科仕者甚眾 舊志

蕭建功字懋德公餉諸孫從陳瓘遊瓘重之時李朴謫

歸貧不能自給建功築室居之朴死以女妻其子李綱

薦其操行知衡州刻思賢堂帖三十卷 舊志

曾宏迪字幼說三英子嘉定十六年癸未進士以程藝

受知魏了翁累官朝議大夫兵部侍郎理宗御書勤禮

齋秀溪賜之周必大言曾氏諸子以學業聞家浸興盛

宏迪晚出超越諸兄淦嘉泰志其兄宏正纂述也宏迪
卒墓玉笥鄉之漚岡 淦志新編

曾季輔一字北山新淦人與文文山友善深於杜詩所
著有杜詩句外傲文選體編歌行律絕各爲一門取各
家註釋合於意者列於本文之下總名之曰少陵句外
文山爲之序季輔倡青雲魁星約以周遊士之貧乏文
山言讀杜詩曾奉教於北山云

文山集

元

楊晉孫字南叟元初中本省解元弟東叟亦以是年中
河南解元當南宋末官兵入淦東叟甫三歲爲軍所掠
及赴春試河南同榜者云孫解元本新淦人被掠育孫

氏家衆以爲異兄弟乃相識復姓

舊志

龔翊字舜咨新淦人幼失父卓然能亢其宗母宋氏早
喪翊結廬墓側如孺子慕有一善輒稱父訓奉叔如父
叔亡恭順其兄又撫其姪敬宗收族就祖墓構追遠亭
提學劉岳中爲序其意承旨程鉅夫書淦龔坊三字表
其間以別其派之出樂邑龔坊也翊好招致賢士爲詩
文之會公府辟爲天全招討經歷辭不赴詣京師謁中
朝諸士大夫相與贈答句律清穩有桃源漁唱集營栖
碧山距家三十里許介新淦樂安之間形勢迴復林麓

有湫四時不涸築佚老堂名曰慶源以示子孫崇仁吳澄爲之記子衢任石城縣教諭壻宋一俊爲時名士

吳

草廬集

張秉中字伯庸新淦人祖德輝偶儻有氣節不隨俗俯仰以干名譽負知人之鑒齊江劉永之婦翁某與德輝善練高早有才譽而永之既冠未知學翁與德輝異視高庸衆人遇永之永之歸慚而就學卒與高齊名秉中幼而機警談笑滑稽屈其坐人藉祖父之遺業持以節儉謙冲鄉邑咸稱其賢元季之亂淦人士多避難四出事定而歸罕有存者獨秉中尙無恙人或犯之亦澹然無較子寧及弟德輿嘗侍教焉華髮蒼顏老於桑梓歿後子寧有涓陽之痛

玉屑集

黃中字通理新淦人先世居豫章之竹山宋淳祐中祖愚齋以明經薦辟淦庠司訓遂畱寓淦至正壬午遷居於城北慈訓坊中生而穎異尙氣節治春秋學博文強記期於明理築樓曰江上清風以接賓客洪武之初中齒德浸高爲人排難解紛人皆敬之詩人體方有才子之目卽中孫也中歿練子寧誌其墓

玉屑集

姜彥思新淦人先世以儒術顯有譯史諱某者尤嗜書積書之富侔於秘閣彥思故廬居東山麓之北留意經史百氏悉窺其蘊方元之盛吳楚富庶甲於天下淦號得其百二富人之居擬於官府薨銜地接誇奇競侈窮極丹雘不可勝數運屈勢衰向之炎炎赫赫者雲散烏歿求其敗瓦遺垣無復存者彥思守其先緒益事修葺稱繼志焉

玉屑集

明

練儔字伯尙新淦人

起洪武戊申元年至嘉靖五年丙戌共計一百五十九年凡地名缺

江者其人皆隸新淦

幼穎敏端凝里中張德輝一見器之妻以郭

氏女甥元季領鄉貢進士隱居不仕洪武中召知起居

注以直言忤旨出為廣德州同知遷臨汀鎮安濟寧三

府通判卒王子克云伯尙文溫厚豐麗大江以西能繼

范德機虞伯生揭曼碩而起者

明詩綜

周所立號盤谷新淦人為臨江十子之一丁元季之亂

仕陳友諒為草上梁文晚應徵聘就臨江府教授初友

諒使其帥定位守臨江風流好士所立與清江劉永之

俱被禮遇永之詩云刻羽堂中檝燭明將軍夜宴水西

營青樓小婦新承寵彈得涼州第一聲是也位抗大祖師於鄱陽被殺所立感知已哭之以詩詞極淒惋當江左逐鹿之日如詹文憲同家黃州仕僞漢爲承旨歸附後仍官翰林學士與宋景濂齊名劉三吾爲元之故老姑蘇平三吾賦詩曰姑蘇自王亦英雄藩屏東南一旦空又曰廉蔣同心如結好蜀吳異地豈俱亡皆有感於羣雄之失策而猶覬元之未亡耳讀所立陳琳老大頭如雪無復軍前草檄文之句悲其遇矣

山陰集參引明

詩綜

袁復字景陽世居新淦之石莊性穎敏美丰儀弱冠卽教授鄉里爲古文以韓歐爲矩矱孝友純篤事母無違平居無疾言遽色洪武辛酉應薦入朝命賦槐陰清晝援筆成三詩授惠州興寧縣丞地僻民頑爲之興利除害民服其教博羅盜起上官委之往捕復諭以改行免戮盜皆來歸秩滿入覲賜還民喜過望以疾卒於官

金

文靖集

鄒幼亨字公輔別號輔星新淦楓谷人元末貢士洪武四年郡守王恪薦爲府教授丁母喪三年服闋謁選宋

一俊云絳帳曉衝官舍雨綠衣晴染御爐香所著有輔
星集與香埠鄒子寧爲同族兄弟子寧叔可月著有合
江草稿幼亨生長亂離安貧習隱一門雍睦修輯宗譜
網羅散佚常倩熊崇文所望繪爲山居圖翠壁丹崖蒼
松白石景物紛呈不失纖毫迹其樂志煙霞真有商山

鹿門之癖

冰壺集

谷宏新淦人洪武初官中書舍人善詩李舒章稱爲錢
劉高調宋轅文言其調既不卑景色亦合

明詩綜

周霖字子霖先世爲吉水望族元季兵亂避地新淦之

石洞高氏因家焉子霖育於高氏爲童子嶄焉不羣及
冠從印山伯綱羅先生授毛詩羅歿復從彥道曹先生
任邱應先生學易春秋莘耘歐陽先生授尙書通五經
之旨補邑弟子員上官皆刮目待之以無他兄弟慮仕
進以重父母離憂之心引退家居抄錄文字動盈篋笥
常與金幼孜論河圖洛書洪範諸說反覆論議出人意
表後遊嶺廣卒於胥江鄉人具衣冠招魂葬於所居石
洞西山下從高氏塋也霖歿幼孜歎無與共論斯事之
人

金文靖集

黃榘字體方新淦人洪武中稱十才子後徵至京為周王府伴讀取古詩數萬篇求其渾然天成之句錄為一帙而附以己作命曰詩海珊瑚其自製五言如風月雙清夜乾坤萬里秋移舟秋水渡載酒夕陽亭磐石中流坐青山夾岸看七言如野田青處麥千頃楊柳綠邊人幾家山頭一夕風雨過門外雙溪春水生皆有風致可誦

漁洋詩話

張美和名九韶以字行

隆慶志新淦人明史宋納傳清江人朱楮談云新淦張堯文克

文為美和

能辭賦元末累舉不仕洪武三年以薦為清

江縣學教諭後遷國子助教改翰林院編修致仕歸帝親為文賜之復與錢宰等並徵修書傳既成遣還與清江聶鉉崇德貝瓊齊名時稱成均三助所著有理學類編羣書備數元史節要吾樂山房稿

明史

宋義字一俊以字行新淦人父務廣祖達誠十二世祖球宋時官廣東提刑一俊丰儀奇偉天姿穎異經傳子史靡不詳究新喻梁寅清江劉永之同邑張美和周所立鄒幼亨相知最深洪武辛未秋上以武功之臣欲加寵異舊制循襲弗稱乃命有司重製新誥授之俾其子

孫世襲以承承家因遣使郡邑選能書之士以佐焉邑
令楊仁舉一俊以應命授官中書與中書蹇義翰林學
士劉三吾解縉中書舍人詹孟舉黃原庶吉士黃金華
給事中鄧孟璉李原珙為同官詩文往復聲譽著於輦
下尋擢工科給事以風痺辭詔歸田里疾瘳郡守劉翼
南以府學教授徵之不起永樂初邑大夫許濬請為矜
式以疾復辭怡情林壑構梅溪草堂安晚軒自號冰壺
先生所著有冰壺集續稿年躋七十卒於宣德二年一
俊少孤賴母教以成立介然有守又善與人交置身館

閣觀天子之光幡然勇退京國故人有同時被薦位登
三九之列者曾不扳援可謂君子矣一俊妻為龔舜咨
女子溥任瑞州府教授 周府伴讀黃架撰

郭球字以獻宋侍制奉世公後力學守己以明經選高
郵訓範士有式講明王文成良知學有士張守貴親死
貧不能殮捐俸殯之識賞龔生畀金使婚卒皆聯袂並
捷遷諭江都授蘄水八十一卒 舊志

干城字維鎮聰穎絕倫妙齡餼於庠孝友端方為鄉表
率就臨川訓導有同官素貪賄督學按部遇匿喪諸不

法輒徇蔽城發其奸遂為所忌坐左遷尚書舒公化贈以文曰方今善官有四飭貌華言植奧主托苞苴耳干先生前裾不曳地擇境而蹈一介不輕取與非王官烏足成干先生哉歸家閉門考古里閭稱之

舊志

朱昌新淦人為諸生清苦刻厲洪武二十五年以秀才薦於京兆除虎賁左衛倉使未幾以誣去職益閉戶讀書彈琴賦詩無世俗好初昌之舉秀才也外姑張戒之曰汝以好學獲譽於賢士夫今將受知於明天子而授汝以職汝其勉之夫士節莫貴於廉女德莫貴於貞士而不廉猶女之不貞雖有他德莫贖矣昌用其言為委吏俸入不足張遣諸子歲有饋遺益申前戒克全所守君子謂士之克自樹立而免於愧怍非獨其人之賢必有父母媼戚教戒之力焉孔子曰魯無君子者斯焉取斯賢哉母也

玉屑集

吳嘉靜通詩書二經洪武末薦授訓導累官刑部員外郎承樂中與修五經四書性理大全

林志

陳孟浩少貧刻志於學永樂十六年進士長沙儒學教授改蘇州俗尚浮靡約令敦實周文襄公忱禮重之秩

滿疏畱加秩仍掌學政引年歸所著有澹庵歸樂集舊志

鄒誨字聖授別字鳳筠新淦楓谷人宣德間進士官渝川教諭有鳳筠詩集誨膺里選之科值好文之世壯遊輦下司鐸渝川足跡所歷三吳齊魯燕趙間皆有題咏存錄較竹莊輔星為多楓谷山村頗稱人物勝地云楓谷世業序

潘邃字汝穆資性明敏早孤事母以孝聞正統十二年鄉貢為教諭嚴慎以師道為己任誨人先德後藝雖處窮約恥言利祿諸生貧者賜之比典文衡尤稱得士晚號梅溪所著有梅溪集舊志

張希字在賢成化十三年鄉貢士授丹徒司訓教嚴而士服識大學士靳貴於諸生中廩育之督學考核誤置下等希力薦乃復明年靳領解咸服其知人遷國子監丞陞惠州府同知卒舊志

皮元字次翁一字良玉新淦侯府人由神童科歷官南恩州知州以朝列大夫贛州同知致仕一號如心按皮氏家譜元生永樂甲申歿成化乙酉舊志誤以元為元

新治縣志
卷三
人新編

廖俊新淦人宏治戊午鄉舉壬戌進士正德間以工部
郎陞運司同知居官清廉貧不能歸寄籍山西見流寓
志著有河東漫興集 山西通志

蕭子鵬字宜冲性孝友爲吳康齋高弟交於白沙東白
一峯東海諸公亦與鏡川雲東相酬和宏治元年徵遣
逸郡守汝寧載瑤薦於朝三原王恕禮遇甚厚部銓欲
授有司懇辭乃除嘉興府學教授所著有天地自然圖
大極圖說雲邱子集其詩文體製不一而本諸性命道

德之懿溫厚和平豪邁寓焉雖動輒百言少有離於道
者歲晚寫懷詩云披殘霜鬢方驚老開到梅花又是春
不失爲佳句司鐸時百廢具舉有自警并示士子詩云
天下無棄物世間無棄人糞穢可滋禾木朽堪爲薪牛
斃製弓革蠶老吐絲綸吾人一自棄無物爲比倫農桑
墮其業終歲遭饑貧工商廢其職貨食靡有因士焉失
其學安得成厥身朱門產餓殍白屋回陽春萬事毀於
逸百藝精於勤人不自棄可以辭汗淪是不徒於雕
琢縷切爲工矣嘉興項襄毅忠以尙書里居結耆英會

始於宏治戊午春彙爲一集子鵬序之比於香山洛社
嘉興府志 此篇改編儒林

劉成穆字元倩其先世新淦人以大姓商崇慶故明詩
綜作崇慶人祖勤庵舉宏治壬子鄉試父朝紳以正德
甲戌正月甲寅夜夢鶴翥於庭而生因曰成穆別名以
嘉壽元倩七歲能詩文十五究經史百家談元理談兵
談世務珠貫川絡澹然有山林之意嘉靖辛卯舉於鄉
試春官不第發憤卒所著有元倩集本多殘缺存者僅
嘉禾賦上張南溟書過漢茂陵城南送友詩載藝文

浣

水續談

黎雲字汝登號西峯新淦縣西官洲人工於詩文有滄
洲書屋與朱瓚爲莫逆交瓚常讀書其家時相倡和常
以元夕訪瓚適瓚族張燈湖上夜深酒闌去而復返月
下見一人拍掌唱歌黎喜甚時已大醉因與聯句云萬
家簫管沸樓臺想見金吾九禁開清夜何人歌不寐滄
江有客去還來燈幢掩映尊前動春色分明月下迴輪
與西峯得三昧酒酣餘興更添盃亦不知其爲誰也

乘
器集

熊勝字昭佐號古峯淦東坊人嘉靖間拔貢授金華東陽訓導署縣印及稅課局事文名卓越吏治廉明後致

仕歸屢舉賓筵世居高士嶺

舊志

饒天惠字子惠新淦人思聰從弟領嘉靖戊子鄉薦性穎敏五歲能屬文語輒驚座髫年隨姨親宦浙江永康同其子學經傳子史靡不悉誦有巨公壽辰入賀而出或問以稱觴之文爲誰筆內作何語覆之不失一字笑曰聰明人多不老壽天惠曰命之修短豈在明公羣爲附掌年廿三登賢書故事三年大比當道課士選精通

三場者試之臨郡特舉天惠文譽日起守令陳尤器重之適丁祭牲用牝鹿天惠諷當事亟爲改正未幾察作親友勸其投刺巨公少霑漑以爲藥餌計天惠言所惡有甚於死者力謝絕之初天惠赴春官試人謂名宜從兄以思字行答曰惟父命名何可更也其生平風尚大率類此天惠死妻王氏守節撫孤善承其志

嘉會堂文抄

饒鳳詔字應宣弟鳳儀字應正少以友愛稱鳳詔尤刻意古學以貢入南雍領嘉靖庚子鄉薦弟鳳儀亦省試獲雋御史建坊榮之鳳詔性篤孝常授經荆山以資養

父歿哀毀成疾卒鳳儀授南漳令有異政改永州學政
主宗濂書院從遊者甚眾聘典試廣東改署衡陽請告
歸著有詩文及渡湘漫稿

舊志

饒質善字允陳思鄒之子萬歷丁酉貢生訓崇義漳州
陞龍南諭生平長厚每事焚香告天家居理故垣隣人
越界遂義讓之乃慙謝而退官司某藉手貸金失官去
竟代償其負不以語人司教每多愛育如海濱生某以
呈誤失入輒請出之龍邑長令督過諸生不以禮解組
請歸有板轅尸祝諸圖歸休不問官府事鄉人稱爲世

德司李楊署縣雅慕其賢率官屬造廬請焉其子逢恩

以明經應天啟丁卯貢授廣東新會訓

舊志

國朝

李作相字枚臣或稱爲梅情生而秀爽幼卽究心四書
大全析疑辨異多所自得與王雲翔敦金石交弱冠補
弟子員雍正戊申膺選拔入成均以教諭需次歸里刊
落春華以易學者耳目所爲文援筆立就名公達者爭
致爲館師武寧一余三盛南昌曹光祿昆季鉛山蔣篁
笈貴溪蔡玉裁感以文章經濟相切劘所著有易學探

新編
微一卷

吳之淮新淦人歲貢生選南昌訓導攝教諭篆值新例
嚴科舉學使金德瑛檄錄遺生員先令教官月課以所
評之甲乙證司鐸之賢否之淮細心批閱申卷及錄遺
案發名次悉如月課學使亟稱賞之崇聖祠圯之淮捐
俸薪修葺以老乞休致

南昌名宦志

讚曰文以載道繼韓歐陽介於廬陵節義同鄉知言養
氣安定審詳曾孔周朱斯集用光

處士目錄

正附共計四十八名

唐

劉大方 歐陽董

宋

王 宥 晏 穆 曾三異 曾三英 宋 玘

蕭公餉 曾公芑 聶 棠

元

李 國 張 忠

張 璿 張 瑾附

朱忠能

鄒 說 金相孜 錢伯起 練 純 曾 暉

明

郭如郭象附彭如鑑婁仲實黃伯淵

敬庵韓秋崖附鄧伯言鄒庸黃季方

呂從謙呂從誨附饒崇獄鄧任曾季昌

彭質彥楊舜珩附段林材段林忠楊耀衡

楊鐸楊銳附曾應檄黃以和胡世彬

國朝

孫之鳳陳希獻

處士

唐

劉大方開元時人居家嗜學不倦有子十一人皆教之力學一日病謂諸子曰吾平生惟得一義字死後若等能聚族無折資吾目瞑矣自是子姓惟命同居十有三世歷二百餘年長幼五百口至今猶指其居址曰義門舊志

歐陽董蕭灘鎮人唐僖宗時結屋隱居讀書山中宅邊叢生瑞竹色爛如銀丞相孫偃以謫官至見之嘆為神

仙中人也題所居山曰瑞筠山今慧力寺其遺宅也寺內讀書臺故址存焉

瑞筠山志

宋

王宥字德升新淦人南渡時困躓場屋入玉笥山依道士潘與齡獨居白雲齋年六十餘論詩談理亶亶不倦人問以居山何作曰作詩獲其一編磬山道中云澗石韻寒泉依稀言語處回頭覺無人又上前溪去山樵竹裡居畧約纔堪度落日淡平疇牛羊點寒暮獨醒雜誌稱其語意蕭散非遠外聲利者不能也

獨醒雜誌

南宋

晏穆新淦人乾道中浦陽義門鄭氏族大且久鄭淮之孫綺賜號冲素處士卒穆志其墓

麟溪集

宋

曾三異字無疑三聘弟爲周必大門人博學工文尤精考訂從朱文公問辨名讀書堂曰仰高文公書匾魏鶴山爲記淳祐貢於鄉端平甲午以隱逸召爲祕閣較勘除大社合立朝逾年未及有所開陳奉祠而歸年八十尙能小楷寫六經聰明不衰九十乃終號雲巢先生作

墨戲爲世所稱嘗著新舊官制通鑑選擇等書

新編

曾三英字無槐三異弟與雲巢齊名扁讀書室日月總誠齋爲賦詩云阿兄雲向筆下生阿弟月自詩中明尤就史學究三國六朝攻守事蹟著南北邊籌十八篇及蒙史等書趙忠定見而嘆曰史求博易求約難更名約史敘之子宏用宏廸宏迪官兵部侍郎有傳

宋玘字子美新淦東太平鄉小坑人以經術教授遠近推爲鄉先生三孔皆與之游領鄉薦至京師寓旅舍夜夢一紫衣僧與語云公擢第則壽必不永心頓開悟遂

翻然南歸素善臨川都官員外郎王益及其子安石數相酬唱安石詩云山陂疇昔從吾親諸父先生各佩紛衣冠偶坐論經術襁褓當時刺繡文蓋與王氏交在紀羣之間也安石後罷相居鍾山定林玘過之復贈詩云故交重斲恩何厚新句聯篇韻更高自嗟涉世無補而使玘高才不過云

王臨川集

蕭公餉字濟父博學能文試禮部有聲熙寧中忽自廢不應舉卜築巴邱曰休亭與黃庭堅善於書無所不觀尤好孟子黃帝素問元祐六年卒黃銘其墓

山谷集

曾公芑名叔仁新淦人與吉水文天祥有婣連結青雲約魁星約士之舉於鄉里或流寓新淦者皆有所欣助而著於籍事見文山集稱其培植士氣使行者無却顧之憂此義約之不可廢於後之世道不爲無益不但高

區區周急之風也

文山集

聶棠字居實以文行著故相張商英與之遊甚密有棲雲臺浩然堂劉次庄爲之記次庄將發淦別棠詩云傳與江南聶居士一春飽聽杜鵑鳴又云江上春風初到時與君莫負百篇詩惜詩無傳者棠挈埠人

舊志

元

李國新淦人隱居不仕所居擅山水之勝號曰盤中祖李愿盤谷之意也日賦詩以爲樂宋一俊過之題壁云花底傳觴春繫馬柳邊垂釣晚求魚殆所謂野性風疏

逸情雲上者

冰壺集

張忠字彥良新淦人其先爲廬陵人祖秀峯始家於新淦父文漢元末授崇安縣主簿遭亂未食其祿而歿忠恬遠勢利不事進取性雅嗜酒喜賓客遇其所好則酬酢淋漓必盡醉乃止病亟時長子瑄以事畱京口子瑾

任禱祠之事忠歡曰自壬辰之亂以迄於今鄉閭之不得其死者多矣獲全要領以從先人於九京復何悲玉屑集

朱忠能字以忠元末之亂忠能起兵防禦時陳壽春僞將率馬步兵數萬逼臨江忠能移兵拒守袁江以東得無恐臨守臣禮致之幕下問戰守計答曰賊惟虞將軍而不虞士兵請出其不意夜襲其營可燒而走也如其策大敗之功上署爲新喻州判官不受日與郡名士梁

寅張美和等觴咏以爲樂

新編

鄒說字習之別字竹庄新淦人元季薦辟洪武二年舉淦學訓導郡教授皆不就後曾得之應聘修史位躋三九之列而說以遺逸終爲有元之義士洪武七年練子寧游其門諸生咸集試水竹居詩子寧有曰柴門無事臨流敞高臥支頤聽清响千山暮雨石泉通一夜春雷籜龍長甚奇之曰此必有異於人後三年卒於邑庠子寧擢第以家艱歸過說之廬自言身值明天子偃武修文以科舉取天下士幸荷父師之教列魏科登顯仕方慨然有志於斯道以不負朝廷與長者獎拔之意而先

生不復作追維往事爲之戲歛感愴者累日
金相孜字季質新淦人其先由寶慶遷居新淦之厚聚
宋建炎間徙洪坑再遷培山父用勤以孝友聞相孜爲
人有氣岸讀書積學家素貧授徒給饘粥以養父母名
聞郡邑人爭延致之邑大夫屢辟辭不就平生寡嗜好
布衣蔬食不妄交遊操履純正足以風厲鄉閭雅善筆
札長吟短咏迭宕豪放不多讓人永樂庚子館寓清江
一日晨興語人曰吾生平無病今憤憤殆將死矣取湯
沐衣冠返席而逝相孜於幼孜爲從昆幼孜言其超邁

介特之行修身安命無愧無怍弔之曰江山風月無異

昔時我哀弗除魂魄何之

文靖集

錢伯起新淦人故吳越王鏐之裔地曰石邱邑南六十

里其俗晝則耕耘夜則弦誦伯起貌精專而秀發疏通

練習有用世才當元之季不樂仕進蓄書築室爲休隱

計顏曰石田書隱自言石田之人雖薄而可以供伏臘

石田之教雖迂而可以淑後昆兼善天下則不足獨善

其身則有餘隨所寓而安之失乎彼必得乎此其於富

貴貧賤之際如此可謂超然有賢人之風矣

玉屑集

練純字文甫新淦人父清祖顏世居淦之東山下文甫
雅負異才韜晦不仕以孫子寧貴贈如其官

玉屑集

曾暉字宗沂世居永豐之新陂曾祖維荃始徙居新淦
之九原頭值兵亂家業稍不振暉穎敏好讀於經史百
家能通大義州角卽奮然有立志致千金慕司馬子長
之爲人周遊四方歷名山大川見古人遺迹輒徘徊不
忍去愛李白詩夜泊采石月明如畫江流有聲翩然登
蛾眉亭朗誦秋浦歌聞者詫曰何處來斯人父歿奉母
盡孝得其歡心僑寓玉峽鎮投竿釣魚四方士往來於

此者必館穀之年五十而終暉與學士子啟爲同宗子

姪行云

金文靖集

郭如字尙禮先世由吉水徙新淦之東梅如修眉廣穎
臞然玉潔幼失怙恃依於外家長就食劉氏元季兵興
避地洪都尋歸桑梓故廬悉燬復依所親曾得之已而
歸東梅收聚宗族葺廬故壤宴休山林邨鄰拯急爲鄉
黨推重人有不直不諧有司取決於如終日肅然而襟
懷坦夷是非無所徧徇闢地種梅著曰梅雪與朋好觴
咏裕如也子象以經術致通顯贈如奉議大夫刑部卽

明

彭如鑑號潭泉新淦甘泉人宋推官彭應求轉運使彭思永裔幼英敏博極羣書不苟仕進同邑練子寧胡若思張美和金幼孜諸人皆崇其道德相與倡和屢徵不起一時名相如三楊解大紳輩咸贈以詩文金幼孜爲之序學者稱爲潭泉先生

新編

婁仲實少有詩名明初與周所立張美和黃體方輩齊名稱臨江十才子後美和被徵爲翰林編修體方爲王

府伴讀周所立亦爲臨江教授獨仲實家居賦咏以終老焉惜其詩逸不傳

舊志

黃伯淵字德淵淦西人器宇端凝說詩書敦孝友日以琴觴自逸元末羣盜作亂上官知其才每郡邑諸司缺屢委代署尤精醫藥因授檄爲醫學官前明嗣統邑里綏靖遂槩絕公事足不履縣庭擇郭外東山築丹室講究醫理濬池種樹以爲遊息之娛與禮部曾公得之翰林張公美和中丞練公子寧爲觴咏之遊練有挽黃德淵詩及東山小引記載金川玉屑集中伴讀黃體方遺

詩有讀書夜剪牕前燭挂頰朝看隴上雲之句邑宰嘉其耆德每就廬咨訪治道里中爭訟者不畏刑罰而畏淵知稍類陳大邛事淵曾孫賢另有傳

舊志

按宋季元初淦人董敬庵韓秋崖俱隱居不娶師事饒雙峯至死不渝雙峯死二人匍匐縞素奉主設位

哭臨稱先師之喪載齊東野語

舊志

鄧伯言洪武初宋潛溪以詩文薦召至京應制賦鍾山曉寒詩有鰲足立四極鍾山蟠一龍之句稱旨授以翰

林清秩不受乞老歸

舊志

鄒庸字時用新淦人資稟溫純世有隱德庸二歲而孤長好讀書被服儒素不爲崖畧所居城南地偏少喧構樓延覽羣峯玉立名曰凝翠前闢小室課子誦讀名曰時習居之中堂前列滌灑後列几杖名曰適安賓至登樓染翰幼者奉壺鴈進肴核酬勸以爲樂有田百頃積穀千石歲歉則濟貧困晚屏居一室究黃老言終日默坐不以身後爲計死後卽所居爲墓

金文靖集

黃季方新淦人洪武二十六年有司以人材薦赴銓曹入覲大祖嘉悅之詔入覲諸人皆記名錄用放歸候選

新治縣志 卷三
因買舟南還時會同館翰林張美和宋一俊等皆贈以詩宋云榮拜君恩暫放歸官河風急健帆飛回鄉正值春光滿二月山中笋蕨肥

水壺集

呂從謙字牧吉淦東坊人磊落魁偉不事產業好縱觀羣書記傳兄從誨爲母所愛比分家產獨從其薄曰友吾兄所以孝吾母也居隣學宮會邑營繕稍隘卽捐餘地以輸官還之值不受築怡顏堂以娛親交遊各公斗酒自陶聲華勢利泊如也與姚御史伯梁宋中書一俊最相友厚有瑤琴頻奏娛佳客綵服時趨進壽觴之句

見詩文條

舊志

饒崇嶽字以申淦西湖田人鄉賢饒思聰長子七歲父歿岐嶷不羣邊御史毅奇之以女許娶弱冠謁羅文恭見其沉毅訥朴授以理學屢試不偶援父蘓松嘉湖兵功例蔭効勞兵部中南京武舉恥以勇弁干仕從王龍谿王塘南究性學尤工詩韻屢從吉州諸公講學青原山吉羅給諫鄒侍御疏薦張布衣理學名列章中惜未究用著浪游吟鍾陵遊咏山陰會語

舊志

鄧任字昇之淦東樓前人貢入大學除縣佐簿恥非儒

官弗屑就耆年聰穎絕倫能以食項記歷日一週不爽
隻字弱冠遊黌序試輒高等韻度軒豁臨事謀斷多勝
算爲邑大夫李臨川公所器重條奏政務切中利病爲
人冲澹安恬年八十八而卒

舊志

曾季昌新淦沙溪人三聘八世孫居家致貴產比素封
崇信義敦禮讓樂與賢士大夫遊戶屢常滿廬無熄煙
延師課讀禮意懇至迺慨然企慕乎帝都之勝以償其
弧矢之志或謂公年高矣田園可以佚老何跋涉數千
里爲季昌嘆曰古人云老當益壯跼踖鄉里若處醜甕

坎井妄尊大耳宣德己酉假饋運之役至京覽其山川
形勢之雄城闕宮室之麗錢穀兵甲之多四方萬國會
同朝貢之盛壯觀哉意得而去年八十矣屆行鄉大夫
何迪宗宗人曾修撰子啟率贈以言

西豐文集

彭質彥淦北甘泉人生平孝友侗儻不羣好觀傳記書
史絕足不履公庭嘉靖癸丑伏日途遇異叟揖畢乘風
騰空七里隕地無傷鄉里異之歷崇正七年一百一歲
郡邑印官廉其年高德劭禮請大賓鄉飲屆期雨雪不
假扶筇成禮而退時同鄉飲楊舜珩亦歷八十餘歲步

行從容周旋合度二老雪鬢人瑞就宴安閒觀者如堵亦淦一異事云 舊志

段林材字君選號郊菴淦城西坊人天性孝友家甚貧刻苦自立甫十歲讀書一日數行邑明經蕭引鸞奇之勸令就學邑孝廉陳志泰見其文因妻以子十三應童子試拔第一補弟子員庚午科試督學懋德陳公首錄補邑廩後每試多冠軍屢入闈苦數奇士論惜之甲申闖賊起即歎曰亂滋熾矣呼胞弟林志遠遜窮谷

國初督學張璘然招之適兄弟同卒林材為人剛方質實守正不阿邑有利害知無不言常題落花云去年風雨損芳容自昔逢春不露紅今日飄零沉滓裏這回休更怨東風林志寒更獨坐云環堵蕭然歲又殘緇衣已敝寸心丹草廬莫嘆風和雨虧殺梅花儘耐寒可想兩君梗概矣志字士心號澣亭師其兄潛心力學善為文尙氣節咸為儒林所重 舊志

楊耀衡字及桂吉廬陵楊誠齋先生支派性豪邁適意山水勤施不倦惠遍鄉里市隱恥近名蕭然環堵自樂尤喜聚書習舉子業課子若孫趨庭義穀垂裕悠遠嘗

謂家世相傳非耕則讀耕則爲良民讀則爲廉吏二語
貽訓已度越流俗矣庠彥鐸孝廉錕世其芳聲益徵其
餘慶云

舊志

曾應檄少爲邑諸生志行修潔其先世出邠國宗聖之
裔譜牒澆泚公爲合吉陽諸派請而正之祀先有祭田
之奉勸學有贍田之貽篤其本源因以逮其宗姓及劉
侯修志之役激於盛舉倡助工費是宜與志並存以昭
激勸

舊志

黃以和字增省幼穎異十二遊泮母病禱以身代事聞

舉大賓先世伯淵與練中丞爲觴咏友見金川集

舊志

廬以亨字大蒙性溫純卓有遠志爲郡諸生太守錢公
取冠五學其文妙悟新藻每試輒先多士爲困塲屋後
入南雍居平奉母孝養備至友愛昆季宗黨稱服無間
言創建宗祠獨捐資八百餘金急人之困如赴焚溺泛
愛樂施尤篤交誼莆人朱虛牕先生掌學於郡亨重其
品禮事之擢國博去經費悉取之亨復以孥見托亨爲
居餼無失所未幾虛牕沒於官亨歸其孥并所寄識如
初絕口不言所貸其慷慨信義類如此終厄一第以資

序選判壽州至則問民疾若隨所署輒罷行之整俸贖
之入爲民完逋租百緡惠政翔洽當道重其才守多所
訪委竟以勞卒於官不能爲歛賴士民賻助以歸後人
思慕祀於名宦云

舊志

改宦業

胡世彬字德甫大理寺卿叔廉從孫性端峭以立身行
已爲務家貧耕稼以供菽水鄉人有不平者常以片言
窒其忿年六十母裴氏寢疾營藥餌視廁踰不令人代
友愛季弟夫婦早折遺弱孤與女撫之若子教習婚嫁
悉如禮且讓腴產以與之子應詔舉進士令益陽迎養

治署翁瞿然曰人苦不知足若何以父母氣魄作他鄉
遊魂也決計東歸部民有德令者具金爲贖彬擲之故
宗伯羅喻義真詞有捐金投瀨之句

舊志

國朝

孫之鳳字羽伯號菊齋淦城南坊人少攻舉業有大志
廩於庠幾三十年康熙癸卯從守憲施公愚山講學鷺
洲試棘闈屢不售遂絕意進取需次當貢悉棄去杜門
授徒成就多名士康熙庚戌邑侯董公聘修邑志後郡
伯述齋李公禮請鄉飲邑吳侯存庵延主義學俱辭不

就惟以立廉恥戒奔競爲同志勸勉其教後學諄諄於
擇交遊明義理又以博觀約取厚積遲發爲立言本領
年八十四詩酒自娛大守孫公刻其有竹居集行世別
序見藝文

陳希獻字次沙新淦人與孫羽伯王慎夫段天如爲詩
社友敏於爲文兼精手談邑令吳煜豐教諭文靖廬嘗
重之欲其應童子試藉取以爲榜首希獻謝不能以布
衣終其灌園自食類仲子荷蓀而耕類丈人灌園詩云
有客灌園日卓午蜂蜜分甘蠟食苦一聲兩聲鶉鷄啼

三點四點黃梅雨殆非克隱者可比矣所著有次沙集

雲樵話答

淦志新編

贊曰或出或處立身所基出爲世重處未爲非身隱焉
文克隱貽譏士師柳下故聞伯夷

交京聖蹟為王明赫于地關命吏

後曰史出及歲立身也表出於世道遠矣

靈應雨谷

命古條

三無四想實錄而終有奇蹟者何止矣

